

Sendikalis mérité sa

Ki tan pwojektè kay bratjé anlè yo?
Yo, katégori moun tala?
Ki ou lé, ki ou pa lé, sé dé moun komifo.
Yo létjè an zafè -yo, sé dé model an lavi-a.

Ki tan pwojektè kay bratjé anlè yo?
Sa yo lé sé an respé pou dwa travayè.
Ki ou lé, ki ou pa lé, lavi té kay kisa san yo?
Poutji pa édé yo pou an lavi méyè?

Yo, katégori moun tala,
Yo kité bon tras, tibren moun pwofité.
Ki ou lé, ki ou pa lé, yo bien matjé listwa.
Jénérasion ka pasé, pèsonn pa pou bliyé.

Yo létjè an zafè -yo, sé dé model an lavi-a
San riproch, pou pinision, pou koripsion.
Ki ou lé, ki ou pa lé, sé vayan sitwayen- tala,
Sé pou jòdi épi dèmen yo an mision.

Sé sendikalis ka bat, pasé jénéral ki an djè.
Dé koudmen yo mantjé, édé épi onoré.
Ki ou lé, ki ou pa lé, yo pa ka fè dèyè
I tan pou pwojektè montré kimoun yo yé.

Dé koudmen yo mantjé, édé épi onoré.
Militan épi sé tout, yo pa la pou lajan.
Ki ou lé, ki ou pa lé, ba yo valè yo mérité.
Batjé koté - yo pou pa rété ignoran!

I tan pou pwojektè montré kimoun yo yé.
Sanblé pou solidarité, sé an pratik kay- yo.
Ki ou lé, ki ou pa lé, an pratik tout moun lé.
Pwojektè, montré entèrè angajman- yo!

25/09/2021- Jozef GALONDE

